

Staðfesting forsetans á skipulagsskrá fyrir sumarheimili templara, útgefin á venjulegan hátt að mandatum af dómsmálaráðherra 9. okt. 1964.

Skipulagsskráin er þannig:

SKIPULAGSSKRÁ

fyrir sumarheimili templara.

1. gr.

Sumarheimili templara er stofnað af Umdæmisstúkunni nr. 1 í góðtemplara-reglunni á Íslandi, samkvæmt fundarsamþykkt á haustþingi hennar 16. nóvember 1941 og afsalsbréfi, dags. 24. marz 1942.

2. gr.

Sumarheimilið er sjálfseignarstofnun.

3. gr.

Stofnuninni voru í upphafi lagðar þessar eignir:

- a. Jörðin Kumbaravogur í Stökkseyrarhreppi með húsum öllum og öðrum mannvirkjum á jörðinni, svo og rekahlunnindum og öðru því, sem henni fylgir og fylgja ber, eins og umdæmisstúkan hefur eignast hana samkvæmt afsali, með áhvílandi lánunum.
- b. 1200 króna gjöf Húsfélags bindindismanna.
- c. 2850 króna gjöf frá góðtemplarastúkum í Reykjavík.
- d. Framlag styrktarféлага og aðrar gjafir frá góðtemplurum 2880 kr.

Dá er og gert ráð fyrir, að stofnuninni muni áskotnast árlega fé frá styrktarfélögum og eftir sérstaklega ákveðnum fjáröflunarleiðum, sem stjórn stofnunarinnar eða umdæmisstúkan annast.

Samhliða samningu og staðfestingu skipulagsskrár þessarar, fer fram sala til Kristjáns Friðbergssonar á húsum jarðarinnar Kumbaravogs ásamt afmörkuðum hluta lands, og rekur hann þar barnaheimili fyrir umhirðulaus börn. Skal honum jafnframt heimilt að hafa afnot af austurhluta túnsins í Kumbaravogi, eins og nánar er afmarkað í kaupsamningi og afsali til hans, svo lengi sem hann stöðugt rekur þar slíkt heimili.

Söluverð húsanna og tilheyrandi lands, kr. 400000.00 — fjögur hundruð þúsund krónur —, að frádregnum þegar áföllnum skuldum og kostnaði, og jörðin Kumbaravogur, án húsanna og lands, sem þeim fylgir, en með öðru, er jörðinni fylgir og fylgja ber, er áfram eign sumarheimilis templara.

4. gr.

Tilgangur stofnunarinnar er að reka sumarheimili fyrir templara og annast mót fyrir bindindismenn og reglusamt æskufólk.

Þar sem skilyrði til reksturs slíks heimilis eru ekki góð að Kumberavogi, þer stjórn stofnunarinnar að festa kaup á jörð eða landshluta, þar sem skilyrði eru góð til útivistar, helzt bæði sumar og vetur og koma þar upp nauðsynlegum skýlum. Stjórninni þer síðan, eftir því sem efnahagur og þörf er fyrir, að bæta húsakost stofnunarinnar og alla aðstöðu.

5. gr.

Stjórn stofnunarinnar skipa 5 menn, sem framkvæmdanefnd Umdæmisstúkunnar nr. 1 kys til 5 ára í senn í marzmánuði ár hvert, í fyrsta sinn, þegar skipulagsskrá þessi hefur verið staðfest. Fyrstu 4 árin gengur einn maður árlega úr stjórninni eftir hlutkesti, en síðan einn maður árlega eftir starfsaldri.

Nú verður sæli stjórnarnefndarmanns laust, áður en starfstími hans er útrunninn, og kys þá framkvæmdanefnd umdæmisstúkunnar annan í staðinn til þess að vera í stjórninni þann tíma, sem eftir var af kjörtíma hins.

Stjórnarnefndarmenn skulu vera góðtemplarar.

6. gr.

Stjórnin annast allan rekstur stofnunarinnar með þeirri verkaskiptingu, sem í 7. gr. segir. Hún heldur aðalfund sinn í febrúarmánuði ár hvert. Þegar eftir aðalfund sendir stjórnin framkvæmdanefnd Umdæmisstúkunnar nr. 1 starfsskýrslu ásamt reikningum stofnunarinnar fyrir síðasta starfsár, en framkvæmdanefndin kys þá mann í stjórnina samkvæmt 5. gr. Þegar stjórnarformanni hefur borizt tilkynning um kosninguna, boðar hann hina nýju stjórn á fund og gengst þar fyrir kosningu formanns, ritara og gjaldkera.

7. gr.

Formaður er framkvæmdastjóri stofnunarinnar. Hann boðar til funda, í samráði við ritara, stjórnar þeim og sér um, að ályktanir stjórnarfunda séu framkvæmdar. Hann getur, þegar þörf krefur, kvatt aðra stjórnarnefndarmenn sér til aðstoðar, eða ráðið sérstaka menn til þess að annast ákveðin verk. Formaður leggur fram á aðalfundi ritaða skýrslu um starfsemi stofnunarinnar á liðnu starfsári.

Ritari heldur nákvæma bók yfir allt það, sem gerist á stjórnarfundum, svo og um annað það utan funda, sem máli getur skipt. Hann annast allar bréfaskriftir, heldur öllum bréfum, skjölum og skilríkjum saman og varðveitir, og skilar því síðan að starfstíma loknum í hendur eftirmanni sínum.

Í forföllum formanns gegnir ritari störfum hans.

Gjaldkeri hefur með höndum fjárreiður stofnunarinnar. Hann má ekki greiða fé úr sjóði hennar, nema því aðeins að formaður hafi samþykkt greiðsluna, og geyma skal hann sjóðinn í banka með ríkisábyrgð. Gjaldkeri heldur nákvæma bók yfir tekjur og gjöld stofnunarinnar, og fyrir janúarlök skilar hann endurskoðendum í hendur reikningum fyrir liðið starfsár. Á aðalfundi leggur gjaldkeri reikningana fyrir stjórnina til úrskurðar, ásamt athugasemdum endurskoðanda.

Gjaldkeri fær sér tvo ábyrgðarmenn, sem framkvæmdanefnd umdæmisstúkunnar samþykkir.

8. gr.

Endurskoðun reikninga stofnunarinnar fer fram í febrúarmánuði ár hvert. Endurskoðendur séu tveir og skulu þeir kosnir á haustþingi umdæmisstúkunnar. Þó getur haustþingið ákveðið, að endurskoðun skuli falin löggiltum endurskoðanda. Slík fundarsamþykkt gildir þó aðeins fyrir eitt ár í senn.

9. gr.

Reikningsár stofnunarinnar er almanaksárið.

10. gr.

Reikninga stofnunarinnar skal senda skrifstofu stórstúkunnar. Skulu þeir birtir á stórstúkuþingi.

11. gr.

Stjórnin setur reglur um starfstilhögun stofnunarinnar, svo og um nytjun jarðar. Óski sérstakar deildir reglunnar, í þinghá Umdæmisstúkunnar nr. 1, s. s. Ís-lenzkir ungentemlarar, eða unglingareglan, að reisa skála út af fyrir sig á landar-eign stofnunarinnar, er stjórninni heimilt að leyfa það, enda setji hún viðkomandi deildum ákveðnar reglur fyrir því og framkvæmdanefnd Umdæmisstúkunnar nr. 1 samþykki það.

Þykir stjórninni ástæður þannig, að rétt sé um tíma að fela slíkri deild, sem komið hefur sér upp skála, einhvern hluta af rekstri stofnunarinnar, er stjórn-inni það heimilt.

12. gr.

Nú verður ekki lengur þörf á að reka heimilið, sbr. 4. gr., eða rekstur stofnunar-innar leggst niður af einhverjum ástæðum öðrum, svo sem ef Umdæmisstúkan nr. 1, eða önnur deild góðtemplarareglunnar telur sér ekki fært að reka stofnunina áfram, eða ef góðtemplarareglan á Íslandi hættir störfum, og skal þá ríkisstjórnin ráðstafa eigninni og sjá um að hún, eða andvirði hennar umfram skuldir, verði notað til mannúðarstarfsemi eða í þágu uppeldismála í núverandi þinghá Umdæmisstúkunnar nr. 1, eftir því sem best hentar á hverjum tíma.

13. gr.

Skipulagsskrá þessari getur framkvæmdanefnd umdæmisstúkunnar breytt, enda séu $\frac{2}{3}$ hennar með breytingunni og stórtemplar samþykki. Þá þarf og staðfestingu ríkisvaldsins til þess að breyting öðlist gildi.

14. gr.

Með skipulagsskrá þessari er úr gildi numin skipulagsskrá fyrir barnaheimili templara nr. 86 25. maí 1946. (Stj.tíð. 1946, B, bls. 160–162).

15. gr.

Að fengnu samþykki stórtemplars skal leita staðfestingar forseta Íslands á skipulagsskrá þessari.

Þannig samþykkt með öllum atkvæðum á fundi í framkvæmdanefnd Umdæmis-stúkunnar nr. 1 hinn 27. ágúst 1964.

F. h. framkvæmdanefndarinnar

Ólafur Jónsson, Gunnar H. Pálsson,
umdæmistempar, umdæmisritari.

Er samþykktur framanritaðri skipulagsskrá.

Ólafur Þ. Kristjánsson,
stórtemplar.